

An Bhruiséil, 23 Deireadh Fómhair 2025
(OR. en)

14427/25

DENLEG 57
FOOD 95
SAN 668

NÓTA CLÚDAIGH

ó:	Ardrúnaí an Choimisiúin Eorpaigh, arna s(h)íniú ag Martine DEPREZ, Stiúrthóir
dáta a fuarthas:	22 Deireadh Fómhair 2025
chuig:	Thérèse BLANCHET, Ardrúnaí Chomhairle an Aontais Eorpaigh
Uimh. an doic. ón gCoim.:	D(2025) 109691
Ábhar:	RIALACHÁN (AE) .../... ÓN gCOIMISIÚN an XXX lena leasaítear larscríbhinn I a ghabhann le Rialachán (CE) Uimh. 1334/2008 ó Pharlaimint na hEorpa agus ón gComhairle a mhéid a bhaineann le déhidreacailceon heispiritine a chuimsiú i liosta an Aontais de bhlastáin

Gheobhaidh na toscaireachtaí i gceangal leis seo doiciméad D(2025) 109691

Faoi iamh: D(2025) 109691



AN COIMISIÚN
EORPACH

An Bhruiséil, **XXX**
PLAN/2025/354
(POOL/E2/2025/354/354 EN.docx)
D109691/02
[...](2025) **XXX** draft

RIALACHÁN (AE) .../... ÓN gCOIMISIÚN

an XXX

**lena leasaítear Iarscríbhinn I a ghabhann le Rialachán (CE) Uimh. 1334/2008 ó
Pharlaimint na hEorpa agus ón gComhairle a mhéid a bhaineann le déhidreacailceon
heispiritine a chuimsiú i liosta an Aontais de bhlastáin**

(Téacs atá ábhartha maidir le LEE)

RIALACHÁN (AE) .../... ÓN gCOIMISIÚN

an **XXX**

lena leasaítear Iarscríbhinn I a ghabhann le Rialachán (CE) Uimh. 1334/2008 ó Pharlaimint na hEorpa agus ón gComhairle a mhéid a bhaineann le déhidreacailceon heispiritine a chuimsiú i liosta an Aontais de bhlastáin

(Téacs atá ábhartha maidir le LEE)

TÁ AN COIMISIÚN EORPACH,

Ag féachaint don Chonradh ar Fheidhmiú an Aontais Eorpaigh,

Ag féachaint do Rialachán (CE) Uimh. 1334/2008 ó Pharlaimint na hEorpa agus ón gComhairle an 16 Nollaig 2008 maidir le blastáin agus maidir le comhábhair áirithe bia a bhfuil airíonna blaistithe acu agus atá le húsáid i mbianna agus ar bhianna agus lena leasaítear Rialachán (CEE) Uimh. 1601/91 ón gComhairle, Rialachán (CE) Uimh. 2232/96 agus Rialachán (CE) Uimh. 110/2008 agus Treoir 2000/13/CE¹, agus go háirithe Airteagal 11(3) de,

Ag féachaint do Rialachán (CE) Uimh. 1331/2008 ó Pharlaimint na hEorpa agus ón gComhairle an 16 Nollaig 2008 lena mbunaítear nós imeachta comhchoiteann údaráithe maidir le breiseáin bia, maidir le heinsímí bia agus maidir le blastáin bia², agus go háirithe Airteagal 7(5) de,

De bharr an mhéid seo a leanas:

- (1) Le hIarscríbhinn I a ghabhann le Rialachán (CE) Uimh. 1334/2008, leagtar síos liosta Aontais de bhlastáin agus de bhunábhair a fhorhóir le lena n-úsáid i mbianna agus ar bhianna, chomh maith le coinníollacha a n-úsáide.
- (2) Le Rialachán Cur Chun Feidhme (AE) Uimh. 872/2012 ón gCoimisiún³ glacadh an liosta de shubstaintí blaistithe agus tugadh isteach an liosta sin i gCuid A d'Iarscríbhinn I a ghabhann le Rialachán (CE) Uimh. 1334/2008.
- (3) Féadfar an liosta sin a thabhairt cothrom le dáta i gcomhréir leis an nós imeachta comhchoiteann dá dtagraítear in Airteagal 3(1) de Rialachán (CE) Uimh. 1331/2008, ar thionscnamh an Choimisiúin nó tar éis iarratas a fháil ó Bhallstát nó ó pháirtí leasmhar.
- (4) An 7 Samhain 2022, cuireadh iarratas faoi bhráid an Choimisiúin maidir le húdarú déhidreacailceoin heispiritine (FL Uimh: 16.137) mar shubstaint bhlaistithe le húsáid i mbianna éagsúla a thagann faoi roinnt catagóirí bia dá dtagraítear i liosta an Aontais de bhlastáin agus de bhunábhair. Tugadh fógra don Údarás Eorpach um Shábháilteacht Bia ('an tÚdarás') maidir leis an iarratas agus iarradh tuairim uaidh ina leith. Chuir an

¹ IO L 354, 31.12.2008, lch. 34, ELI: <http://data.europa.eu/eli/reg/2008/1334/oj>.

² IO L 354, 31.12.2008, lch. 1, ELI: <http://data.europa.eu/eli/reg/2008/1331/oj>.

³ Rialachán Cur Chun Feidhme (AE) Uimh. 872/2012 ón gCoimisiún an 1 Deireadh Fómhair 2012 lena nglactar an liosta de shubstaintí blaistithe dá bhforáiltear le Rialachán (CE) Uimh. 2232/96 ó Pharlaimint na hEorpa agus ón gComhairle, lena dtugtar isteach in Iarscríbhinn I a ghabhann le Rialachán (CE) Uimh. 1334/2008 ó Pharlaimint na hEorpa agus ón gComhairle é agus lena n-aisghairtear Rialachán (CE) Uimh. 1565/2000 ón gCoimisiún agus Cinneadh 1999/217/CE ón gCoimisiún (IO L 267, 2.10.2012, lch. 1, ELI: http://data.europa.eu/eli/reg_impl/2012/872/oj).

Coimisiún an t-iarraitas ar fáil do na Ballstáit freisin de bhun Airteagal 4 de Rialachán (CE) Uimh. 1331/2008.

- (5) Sa tuairim ón Údarás a glacadh an 23 Deireadh Fómhair 2024⁴, rinne sé meastóireacht ar shábháilteacht déhidreacailceoin heispiritine (FL Uimh. 16.137) nuair a úsáidtear é mar shubstaint bhlaistithe agus tháinig sé ar an gconclúid nach ábhar imní sábháilteachta í an úsáid sin faoi na coinníollacha agus leibhéil úsáide atá beartaithe. Tháinig an tÚdarás ar an gconclúid freisin nach ábhar imní sábháilteachta é an nochtadh carnach do dhéhidreacailceon heispiritine (FL Uimh. 16.137) agus ceithre shubstaint atá gaolmhar ó thaobh struchtúir de (FL Uimh. 16.061, 16.109, 16.110, 16.112) ach oiread.
- (6) Ós rud é nach bhfuil úsáid déhidreacailceoin heispiritine (FL Uimh. 16.137) mar shubstaint bhlaistithe ina hábhar imní sábháilteachta faoi na coinníollacha sonraithe úsáide agus ós rud é nach meastar go gcuirfear an tomhaltóir amú, is iomchuí an úsáid sin a údarú i bhfianaise na tuairime ón Údarás.
- (7) Dá bhrí sin, ba cheart Iarscríbhinn I a ghabhann le Rialachán (CE) Uimh. 1334/2008 a leasú dá réir chun déhidreacailceon heispiritine (FL Uimh. 16.137) a chur ar liosta an Aontais de bhlastáin.
- (8) Tá na bearta dá bhforáiltear sa Rialachán seo i gcomhréir leis an tuairim ón mBuainchoiste um Plandaí, Ainmhithe, Bia agus Beatha,

TAR ÉIS AN RIALACHÁN SEO A GHLACADH:

Airteagal 1

Leasaítear Iarscríbhinn I a ghabhann le Rialachán (CE) Uimh. 1334/2008 i gcomhréir leis an Iarscríbhinn a ghabhann leis an Rialachán seo.

Airteagal 2

Tiocfaidh an Rialachán seo i bhfeidhm an fichiú lá tar éis lá a fhoilsithe in *Iris Oifigiúil an Aontais Eorpaigh*

Beidh an Rialachán seo ina cheangal go huile agus go hiomlán agus beidh sé infheidhme go díreach i ngach Ballstát.

Arna dhéanamh sa Bhruiséil,

Thar ceann an Choimisiúin
An tUachtarán
Ursula VON DER LEYEN

⁴ EFSA Journal [Iris EFSA], 2024;22:e9091. <https://doi.org/10.2903/j.efsa.2024.9091>.